



N 04/638
18.09.2023

ბრძანება

638-01-4-202309181717



**სს “თბილისის თამბაქოს” (ს/ნ: 206093528) განცხადების საფუძველზე დაწყებული
ანტიდემპინგური შესწავლის შეწყვეტის შესახებ**

„კონკურენციის შესახებ“ საქართველოს კანონის მე-16 მუხლის 4¹ პუნქტის, მე-17¹ მუხლის მე-4 პუნქტის, „ვაჭრობაში ანტიდემპინგური ღონისძიების შემოღების შესახებ“ საქართველოს კანონის მე-20 მუხლის მე-8 პუნქტის, „ვაჭრობაში ანტიდემპინგური ღონისძიების შემოღების მიზნით შესწავლის განხორციელების წესისა და პროცედურების დამტკიცების შესახებ“ საქართველოს მთავრობის 2021 წლის 1 ივნისის N249 დადგენილებით დამტკიცებული წესის მე-6 მუხლის მე-9 პუნქტის „ა“ ქვეპუნქტის, მე-6 მუხლის მე-13 პუნქტის, მე-7 მუხლის მე-3 პუნქტისა და მე-6 პუნქტის შესაბამისად:

ვბრძანებ:

1. განმცხადებლის მიერ განცხადების გამოთხოვის საფუძველით შეწყდეს 2023 წლის 29 ივნისის N 04/368 ბრძანებით დაწყებული ანტიდემპინგური შესწავლა სომხეთის რესპუბლიკიდან საქართველოს საბაჟო ტერიტორიაზე პროდუქციის სავარაუდო დემპინგური იმპორტის თაობაზე.
2. დამტკიცდეს თანდართული „საჯარო შეტყობინება ანტიდემპინგური შესწავლის შეწყვეტის შესახებ“ (დანართი 1).
3. „საჯარო შეტყობინება ანტიდემპინგური შესწავლის შეწყვეტის შესახებ“ გამოქვეყნდეს საქართველოს კონკურენციის ეროვნული სააგენტოს ოფიციალურ ვებ-გვერდზე. გამოქვეყნების თარიღი მიჩნეულ იქნეს შესწავლის შეწყვეტის თარიღად.
4. ამ ბრძანების გასაჩივრება შესაძლებელია საქართველოს კანონმდებლობით დადგენილ ვადაში და წესით თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი №64).
5. ეს ბრძანება ამოქმედდეს ხელმოწერისთანავე.

საფუძველი: სს “თბილისის თამბაქოს” (ს/ნ: 206093528) მიერ 2023 წლის 15 სექტემბრის (რეგ. N 01/3128) განცხადება.

ირაკლი ლექვიანაძე

თავმჯდომარე



საჯარო შეტყობინება

ანტიდემპინგური შესწავლის შეწყვეტის შესახებ სომხეთში წარმოშობილი ფილტრიანი თამბაქოს პროდუქტების იმპორტთან დაკავშირებით

შეტყობინება ემყარება „ვაჭრობაში ანტიდემპინგური ღონისძიების შემოღების მიზნით შესწავლის განხორციელების წესისა და პროცედურების დამტკიცების შესახებ“ საქართველოს მთავრობის 2021 წლის 1 ივნისის N249 დადგენილებით დამტკიცებული წესის მე-6 მუხლის მე-9 პუნქტის „ა“ ქვეპუნქტს, მე-6 მუხლის მე-13 პუნქტს, მე-7 მუხლის მე-3 პუნქტსა და მე-6 პუნქტს.

1. 2023 წლის 15 მაისს სააგენტოში შემოვიდა N01/1598 განცხადება („განცხადება“) სს „თბილისის თამბაქოს“ (ს/კ 206093528) მიერ („განმცხადებელი“) საქართველოს საბაჟო ტერიტორიაზე სომხეთის რესპუბლიკაში წარმოებული თამბაქოს შემცველი ფილტრიანი პროდუქტების საგარეუდო დემპინგურ იმპორტთან დაკავშირებით.

2. 2023 წლის 29 ივნისის N04/368 ბრძანებით სააგენტომ განცხადების საფუძველზე დაიწყო ანტიდემპინგური შესწავლა და აღნიშნულზე გამოაქვეყნა საჯარო შეტყობინება. შესწავლის ობიექტად განისაზღვრა სომხეთის რესპუბლიკაში წარმოებული და საქართველოში იმპორტირებული ფილტრიანი სიგარეტები თამბაქოს შემცველობით, ღერის სიგრძე 80 მმ-დან 100 მმ-მდე, ღერის დიამეტრი 5 მმ-დან 8 მმმდე, რომელიც კლასიფიცირდება საგარეო - ეკონომიკური საქმიანობის ეროვნული სასაქონლო ნომენკლატურის („სეს ესნ“) სუბპოზიციაში: 2402 20 – სიგარეტები, თამბაქოს შემცველობით. სააგენტოს მიერ დადგინდა, რომ განმცხადებელი წარმოადგენდა ძირითად ადგილობრივ ინდუსტრიას.

3. 2023 წლის 15 სექტემბერს სააგენტოში შემოვიდა სს „თბილისის თამბაქოს“ N01/3128 განცხადება, რომლითაც განმცხადებელი ითხოვდა განცხადების განუხილველად დატოვებას შესწავლის დაწყებიდან გარკვეულ პერიოდში ბაზარზე არსებული ვითარების შეცვლის, დავის არიდებისა და კომპანიის რესურსების დაზოგვის მოტივით.

4. შესაბამისად, სააგენტომ მიიღო გადაწყვეტილება სომხეთში წარმოშობილი ფილტრიანი თამბაქოს პროდუქტების იმპორტთან დაკავშირებით ანტიდემპინგური შესწავლის შეწყვეტის შესახებ „ვაჭრობაში ანტიდემპინგური ღონისძიების შემოღების მიზნით შესწავლის განხორციელების წესისა და პროცედურების დამტკიცების შესახებ“ საქართველოს მთავრობის 2021 წლის 1 ივნისის N249 დადგენილებით დამტკიცებული წესის მე-6 მუხლის მე-9 პუნქტის „ა“ ქვეპუნქტის შესაბამისად.



15 სექტემბერი, 2023წ.

საქართველოს კონკურენციის

ეროვნული სააგენტოს თავმჯდომარეს

ბატონ ირაკლი ლექვინაძეს

განცხადება

კონკურენციის ეროვნული სააგენტოს (შემდგომში „სააგენტო“) მიერ განიხილება სს „თბილისის თამბაქო“ მიერ 2023 წლის 15 მაისს წარდგენილი განცხადების დასაშვებობის საკითხი „ვაჭრობაში ანტიდემპინგური ღონისძიების შემოღების შესახებ საქართველოს კანონის“ (შემდგომში „კანონი“) მე-20 მუხლისა და საქართველოს მთავრობის 2021 წლის N249 დადგენილებით დამტკიცებული „ვაჭრობაში ანტიდემპინგური ღონისძიების შემოწმების მიზნით შესაწავლის განხორციელების წესისა და პროცედურების“ (შემდგომში „წესი“) მე-5 მუხლის შესაბამისად.

განცხადების დასაშვებობის შესწავლის ეტაპზე, როგორც ჩვენთვის ცნობილია, სააგენტოს ჩვენ მიერ განხორციელებულ იქნა კანონითა და წესით დადგენილი პროცედურები და შედგა კომუნიკაცია მხარეებთან, გამოთხოვილ იქნა განცხადებაში ასახულ ფაქტებთან დაკავშირებული დოკუმენტაცია და გატარდა სხვა ღონისძიებები.

როგორც ადმინისტრაციული წარმოების დაწყებიდან დღემდე ბაზარზე ჩვენი დაკვირვებით ჩანს, ბაზარზე ყალიბდება მოცემულობა, რომელიც იძლევა კეთილსინდისიერი კონკურენციის შესაძლებლობას, რაც, როგორც ჩვენ ვვარაუდობთ, სააგენტოს მიერ მოკლვევის დაწყების შედეგს წარმოადგენს და ირიბად ადასტურებს, რომ ჩვენს განცხადებაში მითითებული გარემოებები სინამდვილეს შეესაბამებოდა.

იმის გათვალისწინებით, რომ სააგენტოს მიერ საკითხის შესწავლის დაწყებიდან გარკვეულ პერიოდში ბაზარზე არსებული ვითარება იცვლება და მოლოდინი გვაქვს, რომ შესაძლებელი გახდება კეთილსინდისიერი კონკურენცია მონაწილეებს შორის და ვინაიდან კონკურენტების წინააღმდეგ დავა სს „თბილისის თამბაქო“ თვითმიზანს არ წამოადგენს და ამავდროულად არ გვსურს კომპანიის რესურსების მოცდენა დავაზე, მოგმართავთ წინამდებარე განცხადებით, რომ მოცემულ ეტაპზე განუხილველად დატოვოთ სს „თბილისის თამბაქო“ 2023 წლის 15 მაისის განცხადება.

პატივისცემით,

სს „თბილისის თამბაქო“ დირექტორი

ლევან სკამკოჩაიშვილი



გ. ნადარეიშვილის ქ. # 7, 0120, თბილისი, საქართველო; ტელ: (995 32) 270 89 38, ფაქსი: (995 32) 270

89 33



სს “თბილისის თამბაქოს” (ს/ნ: 206093528) განცხადების დასაშვებად ცნობისა და ანტიდემპინგური შესწავლის დაწყების შესახებ

„კონკურენციის შესახებ“ საქართველოს კანონის მე-17¹ მუხლის მე-4 პუნქტის, მე-16 მუხლის 4¹ პუნქტის, მე-18 მუხლის მე-4 პუნქტის, „ვაჭრობაში ანტიდემპინგური ღონისძიების შემოღების შესახებ“ საქართველოს კანონის მე-20 მუხლის 1-ლი, მე-4, მე-6 პუნქტების, „ვაჭრობაში ანტიდემპინგური ღონისძიების შემოღების მიზნით შესწავლის განხორციელების წესისა და პროცედურების დამტკიცების შესახებ“ საქართველოს მთავრობის 2021 წლის 1 ივნისის N249 დადგენილებით დამტკიცებული წესის მე-6 მუხლის 1-ლი პუნქტის, მე-7 მუხლის 1-ლი პუნქტის, „საჯარო სამართლის იურიდიული პირის - საქართველოს კონკურენციის ეროვნული სააგენტოს დებულების დამტკიცების შესახებ“ საქართველოს მთავრობის 2014 წლის 14 აპრილის N288 დადგენილებით დამტკიცებული დებულების მე-4 მუხლის მე-4 პუნქტის „ე“ ქვეპუნქტისა და საქართველოს ზოგადი ადმინისტრაციული კოდექსის 177-ე მუხლის მე-4 ნაწილის შესაბამისად,

ვ ბ რ ძ ა ნ ე ბ:

1. დასაშვებად იქნას ცნობილი სს “თბილისის თამბაქოს” (ს/ნ: 206093528) 2023 წლის 15 მაისის N01/1598 განცხადება.
2. დაიწყოს შესწავლა სომხეთის რესპუბლიკიდან საქართველოს საბაჟო ტერიტორიაზე პროდუქციის სავარაუდო დემპინგური იმპორტის თაობაზე.
3. შესწავლის ობიექტად განისაზღვროს სომხეთის რესპუბლიკაში წარმოებული და საქართველოში იმპორტირებული ფილტრიანი სიგარეტები თამბაქოს შემცველობით, ღერის სიგრძე 80 მმ-დან 100 მმ-მდე, ღერის დიამეტრი 5 მმ-დან 8 მმ-მდე, რომელიც კლასიფიცირდება საგარეო - ეკონომიკური საქმიანობის ეროვნული სასაქონლო ნომენკლატურის („სეს ესნ“) სუბპოზიციაში: 2402 20 – სიგარეტები, თამბაქოს შემცველობით.
4. დამტკიცდეს თანდართული „საჯარო შეტყობინება ანტიდემპინგური შესწავლის დაწყების შესახებ“ (დანართი 1).
5. „საჯარო შეტყობინება ანტიდემპინგური შესწავლის დაწყების შესახებ“ გამოქვეყნდეს საქართველოს კონკურენციის ეროვნული სააგენტოს ოფიციალურ ვებ-გვერდზე. გამოქვეყნების თარიღი მიჩნეულ იქნეს შესწავლის დაწყების თარიღად.




6. შესწავლის დაწყების შესახებ მიღებული გადაწყვეტილება ეცნობოს სომხეთის რესპუბლიკის მთავრობას და სხვა ცნობილ დაინტერესებულ პირებს.
7. ამ ბრძანების შესრულებაზე კონტროლს განვახორციელებ პირადად.
8. ეს ბრძანება ამოქმედდეს ხელმოწერისთანავე.
9. შესწავლის დაწყების შესახებ გადაწყვეტილება შესაძლოა გასაჩივრდეს საქართველოს მთავრობის მიერ მიღებულ საბოლოო გადაწყვეტილებასთან ერთად.

საფუძველი: საქართველოს კონკურენციის ეროვნული სააგენტოს ანტიდემპინგური ღონისძიების დეპარტამენტის უფროსის 2023 წლის 29 ივნისის N03/440 მოხსენებითი ბარათი.

ირაკლი ლექვინაძე

თავმჯდომარე



სს თბილისის თამბაქოს 2023 წლის 15 მაისის განცხადების დასაშვებობის შემოწმებასთან დაკავშირებული ადმინისტრაციული წარმოების ფარგლებში განხორციელებული კვლევის

ანგარიში

1. განცხადება	2
2. ადგილობრივი ინდუსტრია.....	2
3. შესწავლის პერიოდი.....	4
4. შესწავლის ობიექტი.....	4
5. სავარაუდო დემპინგი.....	5
5.1. მსგავსი პროდუქტი	5
5.2. მსგავსი პროდუქტის იმპორტი.....	7
5.3. შესწავლის ობიექტის იმპორტი.....	9
5.4. შესწავლის ობიექტის ნორმალური ღირებულება.....	12
5.5. შესწავლის ობიექტის საექსპორტო ფასი.....	17
5.6. სავარაუდო დემპინგის ზომა	18
6. სავარაუდო ზიანი და მიზეზშედეგობრივი კავშირი.....	25
6.1. დემპინგური იმპორტის მოცულობა	25
6.2. ადგილობრივი ინდუსტრიის მსგავსი პროდუქტის ფასი	28
6.3. ადგილობრივი ინდუსტრიის წარმოების მომგებიანობა და წარმოების დატვირთულობა.....	29

ანგარიში მომზადებულია საქართველოს კონკურენციის ეროვნულ სააგენტოში („სააგენტო“) „ვაჭრობაში ანტიდემპინგური ღონისძიების შემოღების შესახებ“ საქართველოს კანონის („კანონი“) მე-20 მუხლის შესაბამისად შემოსული წერილობითი განცხადების საფუძველზე, რომლის თანახმადაც საქართველოს საბაჟო ტერიტორიაზე ადგილი აქვს სომხეთის რესპუბლიკაში წარმოებული თამბაქოს შემცველი ფილტრიანი პროდუქტების დემპინგური იმპორტის, და რომელიც ზიანს აყენებს საქართველოს ადგილობრივ ინდუსტრიას.

1. განცხადება

კანონის მე-20 მუხლის 1-ლი პუნქტის თანახმად, „შესწავლის დაწყების საფუძველია ადგილობრივი ინდუსტრიის მიერ ან მისი სახელით გაკეთებული წერილობითი განცხადება.“ აღნიშნული პუნქტის გათვალისწინებით, 2023 წლის 15 მაისს სააგენტოში შემოვიდა N01/1598 განცხადება („განცხადება“) სს „თბილისის თამბაქოს“ (ს/კ 206093528) მიერ („განმცხადებელი“) საქართველოს საბაჟო ტერიტორიაზე სომხეთის რესპუბლიკაში წარმოებული თამბაქოს შემცველი ფილტრიანი პროდუქტების სავარაუდო დემპინგურ იმპორტთან დაკავშირებით.

კანონის მე-20 მუხლის მე-3 პუნქტის თანახმად, ასევე, საქართველოს მთავრობის №249 დადგენილების „ვაჭრობაში ანტიდემპინგური ღონისძიების შემოღების მიზნით შესწავლის განხორციელების წესისა და პროცედურების დამტკიცების შესახებ“ („წესი“) მე-5 მუხლის მე-3 პუნქტის თანახმად, წარმოდგენილი განცხადება უნდა აკმაყოფილებდეს დასაშვებობისთვის დადგენილი უფლებამოსილების ტესტს. კერძოდ, განცხადება მხარდაჭერილი უნდა იყოს ადგილობრივი ინდუსტრიის იმ ნაწილის მიერ, რომლის მიერ წარმოებული მსგავსი პროდუქტის მოცულობა აღემატება განცხადების ექსპლიციტურად მხარდამჭერი ან საპირისპირო აზრის მქონე ადგილობრივი ინდუსტრიის მიერ წარმოებული მსგავსი პროდუქტის 50%-ს. ამავდროულად, მითითებულ მხარდამჭერთა მიერ წარმოებული მსგავსი პროდუქტის მოცულობა არ უნდა იყოს მთლიანი ადგილობრივი ინდუსტრიის 25%-ზე ნაკლები.

2. ადგილობრივი ინდუსტრია

კანონის მე-2 მუხლის „ა“ ქვეპუნქტის თანახმად, ადგილობრივი ინდუსტრია განმარტებულია, როგორც „ყველა მწარმოებელი, რომლებიც საქართველოს საბაჟო ტერიტორიაზე (გარდა თავისუფალი ინდუსტრიული ზონებისა) აწარმოებენ მსგავს პროდუქტს, ან მსგავსი პროდუქტის მწარმოებელთა ერთობლიობა, რომელთა წარმოების საერთო წილი შეადგენს მთლიანი ადგილობრივი წარმოების ძირითად ნაწილს, ხოლო იმ შემთხვევაში, თუ მსგავსი პროდუქტის ადგილობრივი მწარმოებლები ამავდროულად არიან შესწავლის ობიექტის იმპორტიორები ან შესწავლის ობიექტის იმპორტიორთან ან ექსპორტიორთან დაკავშირებული პირები, – დანარჩენ მწარმოებელთა ერთობლიობა“.

ტერმინი „ძირითადი ნაწილი“ კი განმარტებულია, როგორც „მნიშვნელოვანი, სერიოზული და არსებითი“¹.

ადგილობრივი ინდუსტრიის განსაზღვრის მიზნით, სააგენტოს მიერ გადამოწმდა როგორც განმცხადებლის მიერ წარმოდგენილი ინფორმაციისა და მტკიცებულებების სიზუსტე, ასევე შეფასდა განმცხადებლის მიერ თამბაქოს შემცველი ფილტრიანი სიგარეტის წარმოების მოცულობა, მ.შ., მთლიან ადგილობრივ ინდუსტრიასთან მიმართებით. დადგინდა, რომ განმცხადებელი არის საქართველოში ფილტრიანი სიგარეტების ძირითადი მწარმოებელი, და 2022 წლის მონაცემებით ფარავს ადგილობრივი წარმოების 100%-ს, რაც დასტურდება საქართველოში რეალიზებული აქციზური მარკების რაოდენობით (იხ. ცხრილი N1), კერძოდ, 2022 წელს საქართველოში ჯამურად გაცემული „ადგილობრივი წარმოების ფილტრიანი სიგარეტის აქციზური მარკა“ სრულიად შესყიდული აქვს განმცხადებელს, შესაბამისად, განმცხადებელი წარმოადგენს ადგილობრივ ინდუსტრიას².

ცხრილი N1. იმპორტირებული და ადგილობრივი წარმოების ფილტრიან სიგარეტზე გაცემული აქციზური მარკების რაოდენობა 2022 წელი

2022 წელი, თვე	იმპორტირებულ ფილტრიან თამბაქოზე გაცემული აქციზური მარკების რაოდენობა	ადგილობრივი წარმოების ფილტრიან თამბაქოზე გაცემული აქციზური მარკების რაოდენობა	სს „თბილისის თამბაქოს“ მიერ ადგილობრივი წარმოების ფილტრიან სიგარეტისათვის შესყიდული აქციზური მარკების რაოდენობა
იანვარი	12 808 800	-	-
თებერვალი	17 712 000	XXXXXXXXXX	
20 736 000		-	
აპრილი	16 016 400	XXXXXXXXXX	
მაისი	18 370 800		
ივნისი	43 038 000	-	
ივლისი	27 097 200	XXXXXXXXXX	
აგვისტო	36 460 800	-	
სექტემბერი	17 118 000	XXXXXXXXXX	
ოქტომბერი	49 939 200	XXXXXXXXXX	
ნოემბერი	25 596 000	XXXXXXXXXX	
დეკემბერი	6 912 000	-	-
სულ	291 805 200	XXXXXXXXXX	XXXXXXXXXX

¹ ვაჭრობის მსოფლიო ორგანიზაციის 2003 წლის 22 აპრილის პანელის გადაწყვეტილება საქმეზე Argentina - Definitive Anti-Dumping Duties on Poultry from Brazil [WT/DS241/R], პარა. 7.341

² სააგენტოს მიერ დადგინდა, რომ 2023 წლისთვის ადგილობრივ ფილტრიან სიგარეტს აწარმოებს შპს „არგო ბტ“ (ს/კ 404639174), თუმცა მისი წარმოების მასშტაბი (სულ. კოლოფი 2023 წელს) პრაქტიკულად უმნიშვნელოა და შეადგენს ადგილობრივი წარმოების 0,01%-ზე ნაკლებს.

სს “თბილისის თამბაქოს” საქმიანობის ძირითად მიმართულებას წარმოადგენს თამბაქოს შემცველი ფილტრიანი სიგარეტებისა და დაჭრილ-შეფუთული თამბაქოს წარმოება. თამბაქოს შემცველი ფილტრიანი სიგარეტების ნაწილში კომპანია ბაზარზე წარმოდგენილია შემდეგი ბრენდებით: **Pirveli International Red, Pirveli International Blue, Pirveli Premium Red, Pirveli Premium Blue, Fargo, Indian strong, Naturals**, რომელთა შორის ძირითადი განსხვავება მდგომარეობს შემადგენლობაში, ბლენდინგსა და ფილტრის პერფორაციაში. ადგილობრივი ინდუსტრიის ზოგადი მაჩვენებლები ინდექსირებული სახით წარმოდგენილია N2 ცხრილში.

ცხრილი N2: ადგილობრივი ინდუსტრიის ინდექსირებული მაჩვენებლები

ინდექსირებული მაჩვენებელი	2020	2021	2022	2023(I-IV)
მთლიანი საკუთარი წარმოებული გაყიდვების ღირებულება EXW	100.0	161.9	207.6	54.7
მთლიანი საკუთარი წარმოებული გაყიდვების რაოდენობა	100.0	177.8	229.3	74.4
საშუალო გასაყიდი ფასი	100.0	91.1	90.5	73.6

3. შესწავლის პერიოდი

იმის გათვალისწინებით, რომ განმცხადებელმა სააგენტოს მიმართა 2023 წლის 15 მაისს, სააგენტოს მიერ სავარაუდო დემპინგის დადგენისა და ზიანის შესწავლის პერიოდად განისაზღვრა ერთი სრული კალენდარული წელი, 2022 წლის 14 მაისიდან 2023 წლის 14 მაისამდე პერიოდის ჩათვლით. ამასთან, ზიანის შესახებ მსჯელობისთვის საჭირო ინფორმაციას/მტკიცებულებს სააგენტო შეაფასებს არანაკლებ უკანასკნელი 3 წლის პერიოდისთვის („გათვალისწინებული პერიოდი“).

4. შესწავლის ობიექტი

შესწავლის ობიექტად განისაზღვრება სომხეთის რესპუბლიკაში წარმოებული და საქართველოში იმპორტირებული ფილტრიანი სიგარეტები თამბაქოს შემცველობით, ღერის სიგრძე 80 მმ-დან 100 მმ-მდე, ღერის დიამეტრი 5 მმ-დან 8 მმ-მდე („შესწავლის ობიექტი“), რომელიც კლასიფიცირდება საგარეო - ეკონომიკური საქმიანობის ეროვნული სასაქონლო ნომენკლატურის („სეს ესნ“) სუბპოზიციაში: **2402 20 – სიგარეტები, თამბაქოს შემცველობით.**

5. სავარაუდო დემპინგი

ანტიდემპინგური კანონმდებლობით განსაზღვრული შესწავლა მოიცავს სამ ძირითად მიმართულებას:

- პროდუქტის დემპინგური იმპორტის არსებობის დადგენას;
- დემპინგური იმპორტის მოცულობის შეფასებას;
- ადგილობრივი ინდუსტრიისთვის მიყენებული ზიანის ან მისთვის ზიანის მიყენების საფრთხის დადგენას და მიყენებულ ზიანსა და დემპინგს შორის მიზეზშედეგობრივი კავშირის არსებობის დადგენას.

პროდუქტის დემპინგური იმპორტის არსებობის დადგენისთვის, პირველ რიგში, უნდა განისაზღვროს სავარაუდო დემპინგური პროდუქტი. განსახილველ შემთხვევაში ეს არის სომხეთში წარმოშობილი („განსახილველი სახელმწიფო“) შესწავლის ობიექტი.

წესის მე-12 მუხლის მიხედვით, „იმპორტირებული პროდუქტი შეიძლება, გახდეს შესწავლის ობიექტი, თუ მოცემული პროდუქტის საექსპორტო ფასი უფრო დაბალია, ვიდრე მსგავსი პროდუქტის ნორმალური ღირებულება ვაჭრობის ჩვეულებრივ პირობებში იმ უცხო ქვეყნის ბაზარზე, საიდანაც ხორციელდება მოცემული პროდუქტის ექსპორტი.“ ნორმალური ღირებულება, კანონის მე-2 მუხლის „კ“ ქვეპუნქტით, განმარტებულია, როგორც „ექსპორტიორ ქვეყანაში ადგილობრივი მოხმარებისთვის განკუთვნილი მსგავსი პროდუქტის ფასი ვაჭრობის ჩვეულებრივ პირობებში, ხოლო ასეთი ფასის არარსებობის შემთხვევაში – შესაბამის მესამე ქვეყანაში ექსპორტის განხორციელებისას მსგავსი პროდუქტის შესაძარბელი ფასი ვაჭრობის ჩვეულებრივ პირობებში.“

5.1. მსგავსი პროდუქტი

კანონის მე-2 მუხლის „ნ“ ქვეპუნქტის შესაბამისად, მსგავსს პროდუქტის განეკუთვნება „პროდუქტი, რომელიც არის შესწავლის ობიექტის იდენტური, ანუ ყოველმხრივ ამ პროდუქტის მსგავსი, ხოლო ასეთი პროდუქტის არარსებობის შემთხვევაში – პროდუქტი, რომელიც ყოველმხრივ შესწავლის ობიექტის მსგავსი არ არის, მაგრამ აქვს ისეთი მახასიათებლები, რომლებიც ძალიან წააგავს შესწავლის ობიექტის მახასიათებლებს“.

განმცხადებელი ადგილობრივ ბაზარზე შესწავლის ობიექტის მსგავს პროდუქტად განიხილავს თამბაქოს შემცველობის ყველა ფილტრიან სიგარეტს, რომელიც კლასიფიცირდება სეს ესნ-ის 2402 20 სასაქონლო სუბპოზიციაში (სს „თბილისის თამბაქო“-ს წერილი N01-1839, პუნქტი 4). განმცხადებელი აღნიშნავს, რომ სავარაუდო დემპინგური იმპორტი ადგილობრივ ინდუსტრიისათვის საფრთხეს წარმოადგენს შესწავლის ობიექტისა და ადგილობრივი ინდუსტრიის მიერ წარმოებული პროდუქტის „საფასო პოზიციონირების“

გამო და განმარტავს, რომ თამბაქოს შემცველი ფილტრიანი სიგარეტების ინდუსტრია შედგება სამი საფასო კატეგორიისაგან: დაბალი, საშუალო და მაღალი. განმცხადებლის მიერ წარმოებული თამბაქოს შემცველობის ფილტრიანი სიგარეტი განეკუთვნება დაბალ საფასო კატეგორიას, რომელიც თავის მხრივ ხასიათდება ისეთი მახასიათებლებით როგორებიცაა: 1. მხოლოდ ლოკალური, შედარებით სუსტი ბრენდების არსებობა; 2. გემოვნების სპეციფიკურობისა და ბრენდების ინდივიდუალიზმის დაბალი ხარისხი; 3. მომხმარებლის ფასისადმი სენსიტიურობის მაღალი ხარისხი.

სააგენტო აღნიშნავს, რომ შემოსული განცხადების დასაშვებობის განხილვის ეტაპზე მის ხელთ არ არსებობს ისეთი ტიპის მტკიცებულება, რომელიც შესაძლებელს გახდის საკმარისი სიზუსტით განისაზღვროს მსგავსი პროდუქტის საფასო კატეგორია ან/და მისი საზღვრები ასეთი კატეგორიის არსებობის შემთხვევაში. აღსანიშნავია ისიც, რომ საფასო კატეგორიების განსაზღვრისათვის აუცილებელი მტკიცებულებები, მათ შორის ეკონომიკური, სოციოლოგიური და ტექნოლოგიური ხასიათის, უნდა აკმაყოფილებდეს სანდოობის ისეთ ხარისხს რაც შესაძლებელს გახდის მსგავსი პროდუქტის განსაზღვრების გონივრულ დავიწროებას გარკვეულ სეგმენტამდე (მაგ. დაბალ საფასო კატეგორიას მიკუთვნებული ფილტრიანი სიგარეტი). ამგვარი დავიწროება ავტომატურად ზრდის კონკრეტული ქვეყნიდან იმპორტირებული შესწავლის პროდუქტის წილობრივ მაჩვენებელს მსგავსი პროდუქტის იმპორტთან მიმართებით, ხოლო ეს მაჩვენებელი კი ერთ-ერთი წინაპირობაა განცხადების დასაშვებობისათვის, კერძოდ, კანონის 21-ე მუხლის შესაბამისად, “შესწავლის ორგანო შესწავლას არ დაიწყებს ან მიიღებს გადაწყვეტილებას შესწავლის დაუყოვნებლივ დასრულების შესახებ, თუ იგი წარდგენილი ინფორმაციის საფუძველზე დაადგენს, რომ შესწავლის ობიექტის რომელიმე ქვეყნიდან საქართველოში განხორციელებული იმპორტის მოცულობა უმნიშვნელოა – მსგავსი პროდუქტის მთლიანი იმპორტის 3 პროცენტზე ნაკლებია, გარდა იმ შემთხვევისა, როდესაც მსგავსი პროდუქტის მთლიან იმპორტში ასეთი ქვეყნიებიდან იმპორტის ჯამური წილი 7 პროცენტზე მეტია”. აღნიშნულის გათვალისწინებით, სააგენტომ დააწესა შესაძლებლად მაღალი სტანდარტი იმპორტის უმნიშვნელო ოდენობის ზღვრის დაკმაყოფილებისათვის, რაც თამბაქოს შემცველი ფილტრიანი სიგარეტის იმპორტის სრული მოცულობის 3%-ის დაკმაყოფილებას გულისხმობს, ნაცვლად იმპორტის გარკვეული ნაწილის 3%-სა.

ზემოაღნიშნული მსჯელობიდან გამომდინარე, სააგენტომ მსგავს პროდუქტად განსაზღვრა ფილტრიანი სიგარეტები თამბაქოს შემცველობით, ღერის სიგრძე 80 მმ-დან 100 მმ-მდე, ღერის დიამეტრი 5 მმ-დან 8 მმ-მდე რომელსაც კლასიფიცირდება საგარეო - ეკონომიკური საქმიანობის ეროვნული სასაქონლო ნომენკლატურის მე-4 სექციის, 24-ე ჯგუფის „თამბაქო და თამბაქოს სამრეწველო შემცველები“, 2402 20 სუბპოზიციაში – სიგარეტები, თამბაქოს შემცველობით.

5.2. მსგავსი პროდუქტის იმპორტი

სააგენტომ დეტალურად განიხილა შესწავლის ობიექტის მსგავსი პროდუქტის საქართველოს საბაჟო ტერიტორიაზე იმპორტის მონაცემები 2020-2023 წლებისათვის და დამატებით ცალკე გამოყო იმპორტის მაჩვენებლები შესწავლის პერიოდისათვის რომელიც განისაზღვრა 2022 წლის 14 მაისიდან 2023 წლის 14 მაისამდე პერიოდით. სსიპ შემოსავლების სამსახურის საბაჟო მონაცემებით დამუშავების და ანალიზის შედეგად დგინდება, რომ შესწავლის პერიოდში საქართველოს საბაჟო ტერიტორიაზე იმპორტირებულ იქნა სულ 275,913,439 კოლოფი ფილტრიანი სიგარეტი (დაახლოებით 550 000 ყუთი), რაც 12,1%-ით მეტია 2020-2022 წლებში წელიწადში საშუალოდ იმპორტირებული 242 403 622 კოლოფზე (დაახლოებით 484 807 ყუთი) (იხ. ცხრილი N3)

ცხრილი N3: საქართველოს საბაჟო ტერიტორიაზე მსგავსი პროდუქტის იმპორტის ჯამური მაჩვენებლები

წელი	რაოდენობა (კოლოფი)	ღირებულება (ლარი)	ღირებულება (დოლარი)
2020	229,917,466	221,648,416	69,844,781
2021	245,353,550	258,454,255	81,177,405
2022	251,939,850	247,161,441	87,015,401
2023	66,527,219	61,146,320	23,753,304
შესწავლის პერიოდი	275,913,439	263,067,811	95,875,909

ცხრილი N4 ასახავს შესწავლის პერიოდისათვის საქართველოს საბაჟო ტერიტორიაზე მსგავსი პროდუქტის იმპორტის მაჩვენებლებს ექსპორტიორი ქვეყნების მიხედვით. როგორც მონაცემების ანალიზი ცხადყოფს, შესწავლის პერიოდისათვის თამბაქოს შემცველი ფილტრიანი სიგარეტების ექსპორტიორთა შორის ყველაზე დიდი ხვედრითი წილი თურქეთის რესპუბლიკაზე მოდის (54.07%), ხოლო თურქეთის შემდეგ მეორე ადგილს სომხეთის რესპუბლიკა იკავებს ექსპორტის მთლიან მოცულობაში 18.41%-ით.

ცხრილი N4: საქართველოს საბაჟო ტერიტორიაზე მსგავსი პროდუქტის იმპორტის მაჩვენებლები შესწავლის პერიოდისათვის ექსპორტიორი ქვეყნების მიხედვით

ექსპორტიორი ქვეყანა	შესწავლის პერიოდი				
	რაოდენობა (კოლოფი)	ღირებულება (ლარი)	ღირებულება (დოლარი)	საბაზრო წილი ღირებულებით (ლარი)	საბაზრო წილი (რაოდენობის მიხედვით)
აზერბაიჯანი	2,753,500.00	1,519,756.41	553,931.42	0.58	1.00
არაბთა გაერთ. საამიროები				-	-
ბელგია				-	-
ბელიზი				-	-
ბულგარეთი	4,175,000.00	1,971,129.01	716,644.64	0.75	1.51
გერმანია	41,020.00	74,460.55	27,073.30	0.03	0.01
თურქეთი რესპ.	149,174,800	160,658,620	58,743,995	61.07	54.07
კორეის რესპ.	1,247,000.00	997,572.16	365,625.83	0.38	0.45
ლატვია	12,450.00	7,870.60	2,740.75	0.00	0.00
ლიბია	15,679.00	8,354.26	3,242.74	0.00	0.01
ნიდერლანდები				-	-
პოლონეთი	18,303,000.00	20,629,513.42	7,504,696.28	7.84	6.63
რუსეთი	934,500.00	1,498,541.35	515,794.59	0.57	0.34
საბერძნეთი	1,442,500.00	1,500,388.54	554,059.33	0.57	0.52
სერბეთი	6,619,000.00	6,044,134.99	2,173,871.71	2.30	2.40
სომხეთის რესპ.	50,803,500.00	28,861,286.32	10,499,240.52	10.97	18.41
უზბეკეთი	25,986,480.00	26,179,249.68	9,520,903.01	9.95	9.42
უკრაინა	11,943,500.00	11,377,565.47	4,028,957.76	4.32	4.33
ყაზახეთი	901,500.00	569,860.59	195,311.46	0.22	0.33
შვეიცარია	10.00	20.97	7.48	0.00	0.00
ჩეხეთი	1,560,000.00	1,169,486.57	469,813.92	0.44	0.57
ჯამი	275,913,439.00	263,067,811.60	95,875,909.91	100.00	100.00

5.3. შესწავლის ობიექტის იმპორტი

განმცხადებლის მიერ წარმოდგენილი ინფორმაციის მიხედვით, შესწავლის ობიექტის იმპორტი საქართველოს საბაჟო ტერიტორიაზე ხორციელდება სომხეთის რესპუბლიკიდან. როგორც სსიპ შემოსავლების სამსახურის მიერ მოწოდებული ინფორმაციის დამუშავების და ანალიზის შედეგები ცხადყოფს, 2020-2022 წლებში სომხეთის რესპუბლიკიდან ფილტრიანი სიგარეტების ჯამური იმპორტის დინამიკა, როგორც რაოდენობრივ ისე ღირებულებით ჭრილში, ზრდადი ტენდენციით ხასიათდებოდა (იხ. გრაფიკი N1). [აც შეეხება თამბაქოს შემცველი ფილტრიანი სიგარეტის კოლოფის ფასს, იგი არ ხასიათდებოდა მნიშვნელოვანი ვარიაციებით 2020-2022 წლებში.

გრაფიკი N1: სომხეთის რესპუბლიკიდან საქართველოს საბაჟო ტერიტორიაზე შესწავლის ობიექტის იმპორტის მაჩვენებლები, 2020-2022 წლები



შესწავლის პერიოდში სომხეთის რესპუბლიკიდან საქართველოს საბაჟო ტერიტორიაზე ხორციელდებოდა 12 დასახელების (ბრენდის) ფილტრიანი სიგარეტი იმპორტის. ხსენებული 12 კატეგორია შეფუთვის გათვალისწინებით თავის მხრივ იყოფა სხვადასხვა ქვე-სახეობად და მინიჭებული აქვს სპეციფიური სახელწოდებები, მაგ. „Blue“, „Black“ და ა.შ. შესწავლის პერიოდში თორმეტივე დასახელების ფილტრიანი სიგარეტის იმპორტთან დაკავშირებული მონაცემები რაოდენობრივ და ღირებულებით მაჩვენებლებში მოცემულია N5 ცხრილში, რომლის მიხედვითაც საქართველოს საბაჟო ტერიტორიაზე

შესწავლის პერიოდში ყველაზე დიდი ოდენობით განხორციელდა ორი სახეობის, კერძოდ კი ფილტრიანი სიგარეტის იმპორტი.

ცხრილი N5: შესწავლის პერიოდში სომხეთის რესპუბლიკიდან საქართველოს საბაჟო ტერიტორიაზე იმპორტირებული ფილტრიანი სიგარეტი სავაჭრო ნიშნების მიხედვით

	რაოდენობა (კოლოფი)	ღირებულება (ლარი)	ღირებულება (დოლარი)
	235,000.00	150,528.29	55,804.99
	740,000.00	459,486.89	168,967.82
	20,000.00	10,058.62	3,952.82
	27,550,500.00	15,556,983.25	5,638,051.28
	3,127,500.00	1,701,620.15	631,977.69
	28,000.00	11,965.16	4,694.95
	30,000.00	17,055.78	6,432.51
	4,040,000.00	2,050,413.91	752,719.48
	27,500.00	21,578.75	8,130.98
	865,000.00	515,606.59	184,517.47
	420,000.00	249,327.07	91,775.24
	13,720,000.00	8,116,661.87	2,952,215.30
ჯამი	50,803,500.00	28,861,286.32	10,499,240.52

ხაზგასასმელია რომ განმცხადებლის წარმოდგენილ განცხადებაში გამოყოფს ხსენებულ ორ სახეობას და მიიჩნევს რომ მათთან მიმართებით ადგილი აქვს დემპინგურ იმპორტს. ამის გათვალისწინებით, სააგენტომ ცალკე შეისწავლა აღნიშნული დასახელების პროდუქტები და შეაფასა, სხვა თანაბარ პირობებში, დაკმაყოფილებოდა თუ არა კანონმდებლობით განსაზღვრული წინაპირობები, მათ შორის ხსენებული სახეობების იმპორტის მოცულობასთან დაკავშირებული მოთხოვნები. N6 და N7 ცხრილებში მოცემულია საქართველოს საბაჟო დასახელებების ფილტრიანი სიგარეტების იმპორტის მონაცემები.

ცხრილი N6: შესწავლის პერიოდში სომხეთის რესპუბლიკიდან საქართველოს საბაჟო ტერიტორიაზე იმპორტირებული (N1) ფილტრიანი სიგარეტი

	წოდება (კოლოფი)	ღირებულება (ლარი)	ღირებულება (დოლარი)	რაოდენობრივი წილი სომხეთის რესპ. იმპორტში	რაოდენობრივი წილი მთლიან იმპორტში	ღირებულე ბითი წილი სომხეთის რესპ. იმპორტში (ლარი)	ღირებულე ბითი წილი მთლიან იმპორტში (ლარი)
	21,814,000.00	12,289,241.93	4,446,076.36	42.94	7.91	42.58	4.67
	4,419,000.00	2,484,121.82	908,351.28	8.70	1.60	8.61	0.94
	805,000.00	475,343.76	172,408.73	1.58	0.29	1.65	0.18
	390,000.00	234,395.09	84,733.69	0.77	0.14	0.81	0.09
	122,500.00	73,880.66	26,481.22	0.24	0.04	0.26	0.03
Total	27,550,500.00	15,556,983.25	5,638,051.28	54.23	9.99	53.90	5.91

ცხრილი N7: შესწავლის პერიოდში სომხეთის რესპუბლიკიდან საქართველოს საბაჟო ტერიტორიაზე იმპორტირებული N2 ფილტრიანი სიგარეტი

	წოდება (კოლოფი)	ღირებულება (ლარი)	ღირებულება (დოლარი)	რაოდენობრივი წილი სომხეთის რესპ. იმპორტში	წოდება (კოლოფი)	ღირებულე ბითი წილი სომხეთის რესპ. იმპორტში (ლარი)	ღირებულე ბითი წილი მთლიან იმპორტში (ლარი)
	9,565,000.00	5,666,619.15	2,064,627.40	18.83	3.47	19.63	2.15
	3,392,500.00	1,998,207.55	723,905.88	6.68	1.23	6.92	0.76
	430,000.00	253,965.93	91,906.71	0.85	0.16	0.88	0.10
	285,000.00	169,094.73	61,274.45	0.56	0.10	0.59	0.06
	47,500.00	28,774.51	10,500.85	0.09	0.02	0.10	0.01
Total	13,720,000.00	8,116,661.87	2,952,215.30	27.01	4.97	28.12	3.09

ზემოთ აღნიშნულ მონაცემებზე დაყრდნობით, შესწავლის ობიექტის იმ სახეობების იმპორტი, რომელთა ნორმალური ღირებულების შესახებ სააგენტოს განცხადების დასაშვებობის განხილვის ეტაპზე საკმარისი ინფორმაცია გააჩნია, კერძოდ, და ბრენდების ნიმუშები, (King Size სიგარეტებისა და ს გამოკლებით), შეადგენს მსგავსი პროდუქტის მთლიანი იმპორტის რაოდენობის (კოლოფები) 13,37%-ს, ხოლო თანხობრივი მაჩვენებლებით (ლარი) მსგავსი პროდუქტის მთლიანი იმპორტის 8,01%-ს.

აღსანიშნავია, რომ შესწავლის პერიოდში ხსენებული სახეობები შეადგენს სომხეთის რესპუბლიკიდან იმპორტის ღირებულების 73,06%, ხოლო რაოდენობრივ ჭრილში 72,61%-ს.

შესწავლის ობიექტის ხსენებული სახეობების მწარმოებელი ექსპორტიორ ქვეყანაში საბაჟო დეკლარირებული მონაცემების მიხედვით, არის International Masis Tabak LLC, (შეზღუდული პასუხისმგებლობის საზოგადოება, რეგისტრირებული სომხეთის რესპუბლიკაში), რომელიც განცხადების დასაშვებობის განხილვის ეტაპზე წარმოადგენს შესწავლის ორგანოსთვის ცნობილ ერთადერთ მწარმოებელს.

5.4. შესწავლის ობიექტის ნორმალური ღირებულება

კანონის მე-2 მუხლის 3 პუნქტის მიხედვით, “ნორმალურ ღირებულებას წარმოადგენს ექსპორტიორ ქვეყანაში ადგილობრივი მოხმარებისთვის განკუთვნილი მსგავსი პროდუქტის ფასი ვაჭრობის ჩვეულებრივ პირობებში, ხოლო ასეთი ფასის არარსებობის შემთხვევაში – შესაბამის მესამე ქვეყანაში ექსპორტის განხორციელებისას მსგავსი პროდუქტის შესადარებელი ფასი ვაჭრობის ჩვეულებრივ პირობებში”. განმცხადებლის მითითებით, მის მიერ მოძიებულ იქნა შესწავლის ობიექტის ნორმალური ღირებულება პროდუქტის წარმოშობის ქვეყანაში საცალო გაყიდვის დონეზე. კერძოდ, განმცხადებელმა წარმოადგინა კვლევითი კომპანია “გამმა”-ს მიერ მიწოდებულ ინფორმაცია სომხეთის რესპუბლიკის შიდა ბაზარზე და სახეობის სიგარეტებზე საცალო სარეალიზაციო ფასების შესახებ (2021 წლის დასაწყისიდან 2023 წლის აპრილის თვის ჩათვლით პერიოდში). აღსანიშნავია, რომ კანონის მე-7 მუხლის შესაბამისად, ვაჭრობის ჩვეულებრივ პირობებში მსგავსი პროდუქტის გაყიდვის მოცულობა, რომელიც განკუთვნილია ექსპორტიორი ქვეყნის ადგილობრივი ბაზრისთვის, ნორმალური ღირებულების განსაზღვრისთვის საკმარის მოცულობად ჩაითვლება, თუ მსგავსი პროდუქტის გაყიდვის მოცულობა საქართველოს საბაჟო ტერიტორიაზე შესწავლის ობიექტის გაყიდვების 5 პროცენტია ან 5 პროცენტზე მეტია. მიუხედავად ამისა, მსგავსი პროდუქტის გაყიდვის უფრო ნაკლები მოცულობა ვაჭრობის ჩვეულებრივ პირობებში საკმარის მოცულობად ჩაითვლება, თუ ეს მოცულობა შესადარებელი ფასის განსაზღვრის საშუალებას იძლევა. იმის გათვალისწინებით, რომ აღნიშნული 5%-იანი ზღვარი განსახილველ შემთხვევაში რაოდენობრივად 1,5 მლნ ლარზე ნაკლებია, ხოლო მწარმოებლის ბრუნვა თითქმის 150 მლნ აშშ დოლარია³, აშკარაა, რომ სააგენტოს ხელთ არსებული მონაცემები შესადარებელი ფასის განსაზღვრის საშუალებას იძლევა, მით უფრო, რომ იგი ეყრდნობა სომხეთის რესპუბლიკის 3 სხვადასხვა ქალაქში ჩატებულ პანელურ კვლევას, რაც ინფორმაციის ფრაგმენტულობასა და რეპრეზენტაბელურობის ნაკლს პრაქტიკულად გამორიცხავს.

³ წყარო: https://www.dnb.com/business-directory/company-information.tobacco_manufacturing.am.html
(უკანასკნელი წვდომის თარიღი: 29.06.2023)

აღსანიშნავია, რომ კანონის მე-12 მუხლის შესაბამისად, ნორმალური ღირებულებისა და საექსპორტო ფასის შედარება უნდა მოხდეს ფასების სამართლიანი შედარების პრინციპის დაცვით, კერძოდ, „ასეთი შედარება ხორციელდება სავაჭრო ოპერაციის ერთსა და იმავე სტადიაზე, ჩვეულებრივ, წარმოებიდან გატანისას, ხოლო გაყიდვის შემთხვევაში – შეძლებისდაგვარად ერთსა და იმავე დროს“. თითოეულ შემთხვევაში სათანადო ყურადღება ექცევა იმ განსხვავებებს, რომლებიც ზემოქმედებას ახდენს ფასების შედარებაზე, აგრეთვე გაყიდვის პირობებისა და ვადების, დაბეგვრის, სავაჭრო ოპერაციის სტადიის, რაოდენობის, ფიზიკური მახასიათებლების განსხვავებებსა და ნებისმიერ სხვა ისეთ განსხვავებას, რომლებიც ასევე ზემოქმედებას ახდენს ფასების შედარებაზე. აღნიშნულ შემთხვევებში გაითვალისწინება როგორც ხარჯები (მოსაკრებლებისა და გადასახადების ჩათვლით, რომლებიც გადახდილ იქნა იმპორტსა და ხელმოკრედ გაყიდვას შორის პერიოდში), ისე მოგება.

აღნიშნულის გათვალისწინებით, განცხადებაში წარმოდგენილია პირობითი ნორმალური ღირებულება Ex Work დონეზე - შესწავლის ობიექტის საცალო-სარეალიზაციო ფასები ფასწარმოქმნის ელემენტების, კერძოდ გადასახადების, ინდუსტრიისათვის დამახასიათებელი ხარჯებისა და გონივრული მოგების მარჟის გამოკლებით. ხაზი უნდა გაესვას იმასაც, რომ წარმოდგენილ გაანგარიშებაში არის გარკვეულ უზუსტობებიც, კერძოდ, განმცხადებელი მიუთითებს სომხეთის რესპუბლიკაში მოქმედ აქციზის გადასახადს 1000 ლერზე 11 070 სომხური დრამის ოდენობით. რეალურად, აღნიშნული გადასახადის ოდენობა სომხეთის რესპუბლიკაში ყოველწლიურად ცვლადია. სააგენტომ შეისწავლა სომხეთის რესპუბლიკაში მოქმედი საგადასახადო კანონმდებლობა რომლის მიხედვითაც, სომხეთის რესპუბლიკაში თამბაქოს პროდუქტების მიმართ მოქმედებს შემდეგი გადასახადები: 2022 წლის 01 იანვრიდან 31 დეკემბრამდე აქციზი განისაზღვრებოდა - 1000 ლერზე 12 730 სომხური დრამის ოდენობით, ხოლო 2023 წლის 01 იანვრიდან აქციზის გადასახადი განისაზღვრა 1000 ლერზე 14 640 სომხური დრამის ოდენობით. დამატებული ღირებულის გადასახადის განაკვეთი კი 20%-ს შეადგენს.

სააგენტო ყურადღებას ამახვილებს იმ ფაქტზე, რომ კვლევითი კომპანიის მიერ წარმოდგენილი მონაცემების მიხედვით, 2023 წლის 01 იანვრიდან მოქმედმა შეცვლილმა აქციზის განაკვეთმა გავლენა არ იქონია 2023 წლის აპრილის თვემდე მოქმედ საცალო გაყიდვის ფასებზე. აღსანიშნავია, რომ ეს შემთხვევა გამონაკლისს არ წარმოადგენს. როგორც სააგენტოს მიერ იქნა გამორკვეული, სომხეთის რესპუბლიკაში აქციზი განაკვეთის ზრდას პერიოდული ხასიათი ჰქონდა. მაგ, აღნიშნული გადასახადი 2020 წელს 1000 ლერზე შეადგენდა 9 625 სომხურ დრამს, ხოლო 2021 წელს კი 11 070 დრამს. მიუხედავად იმისა რომ აქციზის განაკვეთის ცვლილება ხდებოდა წლის დასაწყისში, სიგარეტის სარეალიზაციო ფასი საცალო ბაზარზე იცვლებოდა არა იანვრის თვეში, არამედ მაისი-ივნისის თვიდან. საცალო ფასის ცვლილების ამგვარი ქცევა ნათლად დასტურდება კომპანია “გამმა“-ს მონაცემებით. საცალო ფასის ცვლილების ამგვარი ცვალებადობა განპირობებული უნდა იყოს კომპანიების წინასწარი მოლოდინებით აქციზის განაკვეთის სავარაუდო ზრდასთან დაკავშირებით.

შესაბამისად, მსგავსი მოლოდინების არსებობა აყალიბებს მათ საბაზრო ქცევას ყიდულობენ რა შედარებით დიდი ოდენობის მქონე აქციზურ მარკებს წინასწარ, და ცდილობენ აქციზის განაკვეთის გაზრდამდე აწარმოონ დიდი მოცულობის პროდუქცია რომლის რეალიზაციაც მოხდება უკვე გაზრდილი აქციზის განაკვეთის მოქმედების პირობებში. სიგარეტის მწარმოებელი კომპანიების მსგავსი ქცევა ასახვას ჰპოვებს როგორც საცალო ფასების ცვლილების ტრენდზე⁴, ასევე სომხეთის რესპუბლიკიდან საქართველოში იმპორტირებული თამბაქოს ნაწარმის რაოდენობის ყოველთვიურ მაჩვენებლებზე, რომელიც პიკს ყოველი წლის დეკემბერში აღწევს, ხოლო მინიმალური ოდენობა ყოველი წლის პირველ კვარტალში ფიქსირდება.

ყოველივე ზემოაღნიშნულის გათვალისწინებით, სააგენტომ გამოიყენა შესწავლის ობიექტის ნორმალური ღირებულების გამოთვლის ფორმულა, რომელიც პირობითად ნაჩვენებია N9 ცხრილში, ერთი კოლოფი თამბაქოს შემცველი ფილტრიანი სიგარეტის ფასის გამოთვლის მაგალითზე: სააგენტომ გონივრულად მიიჩნია ვაჭრობის სხვადასხვა დონეზე ფასნამატის (დღგ-ის ჩათვლით) დონედ პირობითად ჩაეთვალა 5%.

ცხრილი N9. შესწავლის ობიექტის ნორმალური ღირებულების გამოთვლის ნიმუში

1.	საცალო სარეალიზაციო ფასი (დღგ-ს ჩათვლით) ადგილობრივ ვალუტაში	480.0 ₾
	საცალო ქსელის ფასნამატი (5%, დღგ-ს ჩათვლით)	-24.00 ₾
	საბითუმო ვაჭრობის ფასნამატი (5%, დღგ-ს ჩათვლით)	-22.80 ₾
2.	მწარმოებლის გასაყიდი ფასი (დღგ-ს ჩათვლით) ადგილობრივ ვალუტაში	433.20 ₾
	გადასახადები:	
	დღგ (განაკვეთი 20%)	-72.20 ₾
	აქციზის გადასახადი (12 730AMD 1000 ცალ ღერზე)	-254.60 ₾
3.	Ex Work ფასი (გადასახადების გარეშე) ადგილობრივ ვალუტაში	106.40 ₾
	AMD/USD გაცვლითი კურსი (მაგალითი)	457.66
4.	ნორმალური ღირებულება - მწარმოებლის წმინდა გასაყიდი ფასი (გადასახადების გარეშე) აშშ დოლარში	\$0.23
	1 ყუთის (500 კოლოფი) ნორმალური ღირებულება აშშ დოლარში	\$116.24
	GEL/USD გაცვლითი კურსი	2.97
5.	1 ყუთის (500 კოლოფი) ნორმალური ღირებულება ლარში	345.27 ლ


⁴ იხ. გამმას მონაცემები, წარმოდგენილი სს თბილისის თამბაქოს 2023 წლის 22 ივნისის N01/2084 წერილით

მსგავსი პრინციპით განცხადების მატერიალური დასაშვებობის ეტაპზე სააგენტოსთვის შესაძლებელი იყო შეესწავლა მხოლოდ იმ დასახელების ფილტრიანი სიგარეტების ნორმალური ღირებულება, რომელიც წარმოდგენილი იყო კომპანია “გამმა“-ს კვლევის შედეგებით. ასეთი დასახელების ფილტრიანი სიგარეტების კი განეკუთვნება და

რაც გულისხმობს იმას რომ სააგენტოს ამ მხოლოდ ტიპის სიგარეტების ნორმალური ღირებულების შესახებ გააჩნია ინფორმაცია განცხადების დასაშვებობის შესწავლის ეტაპზე. სააგენტო გამოთქვამს გონივრულ ვარაუდს, რომ განმცხადებლის მიერ მოწოდებული სიგარეტის სახეობებიდან, ზოგიერთი მათგანი, კერძოდ კი KING SIZE სიგარეტების რეალიზაცია საერთოდ არ ხდება სომხეთის რესპუბლიკის შიდა ბაზარზე. ზემოთ აღნიშნულიდან გამომდინარე და სააგენტოს ხელთ არსებული ინფორმაციის სანდოობის ხარისხის გათვალისწინებით, სააგენტომ მხედველობაში მიიღო და განიხილა შემდეგი დასახელების სიგარეტების ნორმალური ღირებულება:

აღსანიშნავია, რომ კანონმდებლობით გათვალისწინებული მინიმალური ზღვრების დაკმაყოფილების საკითხი გადამოწმებულ იქნა არა მხოლოდ სრული მოცულობებისთვის, არამედ მხოლოდ ხსენებული დასახელების პროდუქტებისთვისაც. შესაბამისად, კანონმდებლობით მოთხოვილი წინაპირობების მიმართ შესაბამისობა შემოწმებულ იქნა იმ დაშვებითაც, რომ სავარაუდო დემპინგურ იმპორტში ხსენებული პროდუქტის გარდა სხვა დასახელების პროდუქტები არ მონაწილეობენ, რითაც სააგენტომ გაზარდა მტკიცების სტანდარტი შერჩეული დასახელების პროდუქტისათვის.

გრაფიკი N2: ნორმალური ღირებულება შესწავლის ობიექტის კონკრეტული დასახელებებისთვის



5.5. შესწავლის ობიექტის საექსპორტო ფასი

სააგენტომ ცალკე გამოყო შესწავლის ობიექტის იმ დასახელებათა და ბრენდის ფილტრიანი სიგარეტები) საექსპორტო ფასთა მონაცემები, რომლებიც განმცხადებელის მითითებით დემპინგური იმპორტის საგანს წარმოადგენს, და რომელთა შესახებაც სააგენტოს გააჩნია შესადარი ნორმალური ღირებულების შესახებ სარწმუნო მონაცემები. N10 ცხრილში მოცემულია ხსენებული დასახელებების მქონე ფილტრიანი სიგარეტების საექსპორტო ფასთა მონაცემები, საიდანაც დგინდება რომ შესწავლის პერიოდში ერთეულის საექსპორტო ფასები მერყეობს 0.52-0.62 ლარის შუალედში. ამასთან, როგორც სააგენტოს მიერ დადგინდა, და ბრენდის ფილტრიანი სიგარეტები შესწავლის პერიოდში საქართველოს საბაჟო ტერიტორიაზე ჯამურად იმპორტირებულ იქნა 72,740.13 ყუთის ოდენობით, ხოლო საშუალო შეწონილმა საექსპორტო ფასის საშუალო შეწონილი მაჩვენებელი უტოლდებოდა 0.579 ლარს.

ცხრილი N10: და ასახელებების სიგარეტების საექსპორტო ფასები შესწავლის პერიოდში


	მაისი, 22	ივნისი, 22	ივლისი, 22	აგვისტო, 22	სექტემბერი, 22	ოქტომბერი, 22	ნოემბერი, 22	დეკემბერი, 22	იანვარი, 23	თებერვალი, 23	მარტი, 23	აპრილი, 23	მაისი, 23
	0.55	0.57	0.55	0.53	0.59	0.59	0.59	0.57	0.56			0.55	0.56
		0.56	0.53	0.52		0.59		0.57				0.55	
		0.60	0.56	0.55		0.62		0.60	0.59		0.59		
	0.58		0.56			0.62		0.60			0.59		
		0.60	0.57	0.56		0.62	0.61	0.59	0.59		0.59	0.58	

5.6. სავარაუდო დემპინგის ზომა

როგორც ნორმალური ღირებულების გაანგარიშებისას იქნა ნაჩვენები, ერთი და იმავე ბრენდის სხვადასხვა დასახელებების ნორმალურ ღირებულებებს შორის პრაქტიკულად არ არის განსხვავება. იგივე შეიძლება ითქვას საექსპორტო ფასზეც. სააგენტომ შეისწავლა როგორც თითოეული დასახელებისათვის, ასევე ჯამურად - იდენტიფიცირებული ნორმალური ღირებულების დასახელების შესწავლის ობიექტებისათვის.

ქვემოთ ცხრილები და დიაგრამები უჩვენებს იმპორტირებული რაოდენობის (ყუთები) ფონზე საექსპორტო ფასის, ნორმალური ღირებულებისა და დემპინგური ზღვრის ცვლილებას დროში თითოეული დასახელების პროდუქტისათვის.

გრაფიკი N3: დემპინგის ზომა პროდუქტისთვის: N1




როგორც მონაცემები მიუთითებს (იხ. გრაფიკი N3),

ის შემთხვევაში რაოდენობრივი მაჩვენებელი


პიკს დეკემბრის თვეში აღწევს, ხოლო დემპინგური ზღვარი მერყეობს 24,52%-დან 36,17%-მდე.

გრაფიკი N4: დემპინგის ზომა პროდუქტისთვის: N2




იგივე შეიძლება ითქვას

დეკემბრის პიკით, თუმცა ახასიათებს იმპორტის წყვეტილი დინამიკა, განხორციელებულია რა იმპორტი შესწავლის პერიოდის მხოლოდ 6 თვის განმავლობაში, დემპინგური ზღვრის ამპლიტუდით 25,27%-დან 39,11%-მდე. ზეც (იხ. გრაფიკი N4) რომელიც იმეორებს რაოდენობრივ ტრენდს



ზემოთ ხსენებულ ტრენდს იმეორებს ბრენდის კიდევ ერთი წარმომადგენელი სლიმ ფორმატში - რომლის იმპორტიც შედარებით მცირე ოდენობებით (ან შედარებით) მეტწილად 2 აგვისტოში და ოქტომბერ-იანვარში განხორციელდა, დემპინგური ზღვარი კი თვეების მიხედვით 19,18%-დან 32,24%-მდე მერყეობდა.


გრაფიკი N6: დემპინგის ზომა პროდუქტისთვის: N4



შედარებით მაღალი დემპინგური ზღვრით გამოირჩევა ბრენდის ორი წარმომადგენელი სლიმ ფორმატში. კერძოდ ის შემთხვევაში იმპორტირებული პროდუქტის რაოდენობა პიკს ისევ დეკემბერში აღწევს და დემპინგური ზღვარი თვეების მიხედვით 76,97%-დან 95,04%-მდე მერყეობდა, ხოლო პიკური რაოდენობრივი მაჩვენებლებისას, დეკემბერსა და ივნისში შესაბამისად 82,50% და 85,53% შეადგინა.


გრაფიკი N7: დემპინგის ზომა პროდუქტისთვის:

N5



რაც შეეხება: (იხ. გრაფიკი N7), იგი შედარებით მცირე რაოდენობითაა იმპორტირებული - პიკური მაჩვენებელი დეკემბერშია, სულ 180 ყუთი, ხოლო ივნისში, აგვისტოში, სექტემბერში, ნოემბერში, იანვარში, თებერვალში და 2023 წლის აპრილსა და მაისში საერთოდ არ შემოსულა საქართველოს საბაჟო ტერიტორიაზე. დემპინგური მარჟის მინიმუმი 2022 წლის მაისში (იგულისხმება შესწავლის პერიოდში მოაზრებული თვის მეორე ნახევარი), 35,66%-ია, ხოლო დანარჩენ თვეებში ის მსგავსად 76,12%-სა და 96,17%-ს შორის მერყეობს.

გრაფიკი N8: დემპინგის ზომა ორივე ბრენდის ჯამური მაჩვენებლებისთვის



ორივე ბრენდის ჯამური მაჩვენებლების ანალიზი (იხ. გრაფიკი N8) უფრო თვალსაჩინოს ხდის ტრენდს, რომლის მიხედვითაც დეკემბერში ყველაზე დიდი ოდენობით განხორციელდა იმპორტი, რის შედეგადაც დემპინგური ზღვრის დეკემბრის მაჩვენებელს დემპინგის ჯამურ ზომაში ყველაზე დიდი წილი მიუძღვის, ხოლო თებერვალში აღნიშნული ბრენდების იმპორტი საერთოდ არ განხორციელებულა. მცირე რაოდენობებია იმპორტირებული მაისში (2022-23), ნოემბერსა და მარტში, ხოლო დემპინგური ზღვრის დიდი ამპლიტუდა ყოველთვიურად იმპორტირებულ პროდუქციაში N1 და N2 ბრენდების

წილობრივი გადანაწილების სხვადასხვა პროპორციითაა განპირობებული და მინიმუმ 25,47%-ს (მაისი, 2022) და მაქსიმუმ 80,69%-ს (მარტი, 2023) შეადგენს. საბოლოოდ, აღნიშნული მონაცემების ანალიზის შედეგად დგინდება, რომ შესწავლის პერიოდში სომხეთის რესპუბლიკიდან იმპორტირებული N1 და N2 ბრენდის იმ დასახელების ფილტრიანი სიგარეტებისათვის, რომელთა ნორმალური ღირებულების შესახებ სააგენტოს გააჩნია სარწმუნო ინფორმაცია განცხადების მატერიალური დასაშვებობის განხილვის ეტაპზე, ჯამურად იმპორტირებულ იქნა 72,740.13 ყუთი ფილტრიანი სიგარეტი, საშუალო შეწონილი საინვოისო ღირებულებით 0.579 ლარი, ხოლო იმავე საქონლისათვის ნორმალური ღირებულება იმპორტირებული რაოდენობების შესაბამისად შეწონილი საშუალო სიდიდე ვაჭრობის იმავე, შესადარ დონეზე შეადგენდა 0.810 ლარს, შესაბამისად, შესწავლის პერიოდში აღნიშნულ პროდუქტებზე დემპინგური ზღარი შეადგენდა 39,77%-ს.

6. სავარაუდო ზიანი და მიზეზშედეგობრივი კავშირი

კანონის მე-14 მუხლის შესაბამისად, დემპინგური იმპორტით ადგილობრივი ინდუსტრიისთვის მიყენებული ზიანის ან მისთვის ზიანის მიყენების საფრთხის დადგენა და მიზეზშედეგობრივი კავშირის არსებობის დადგენა ხორციელდება დემპინგური იმპორტის მოცულობის, აგრეთვე დემპინგური იმპორტის ადგილობრივ ბაზარზე მსგავსი პროდუქტის ფასებზე გავლენისა და ამ პროდუქტის ადგილობრივ მწარმოებლებზე გავლენის ანალიზის საფუძველზე. წესის მე-6 მუხლის მე-5 პუნქტის თანახმად, „შესწავლისთვის საჭირო ინფორმაცია/მტკიცებულებები უნდა შეესაბამებოდეს შესწავლის დაწყებამდე არანაკლებ 6-თვიან პერიოდს. ზიანის შესახებ მსჯელობისთვის საჭირო ინფორმაცია/მტკიცებულებები უნდა ვრცელდებოდეს შესწავლის დაწყებამდე, სულ მცირე, 3-წლიან პერიოდზე. შესწავლის ორგანო უფლებამოსილია, გამოიყენოს ამ პუნქტისგან განსხვავებული სხვა პერიოდებიც, რაც უნდა დასაბუთდეს შესწავლის დაწყების შესახებ შეტყობინებაში.“ ადგილობრივი ინდუსტრიის ზიანთან დაკავშირებით ინფორმაციის ანალიზისას სააგენტო დაეყრდნო მონაცემებს 2020 წლის იანვრიდან შესწავლის პერიოდის ჩათვლით, რაც შეადგენს 3 წელსა და 4 თვეზე მეტს.

აღნიშნულიდან გამომდინარე ადგილობრივი ინდუსტრიის ზიანის მიმოხილვა მოიცავს სამ ძირითად ელემენტს, კერძოდ დემპინგური იმპორტის მოცულობას, იმპორტის გავლენას ფასებზე და იმპორტის გავლენას ადგილობრივ ინდუსტრიის წარმოების სხვა ფაქტორებზე. ამ უკანასკნელი მიმართულებით, შესწავლის წესის მე-16 მუხლის მე-4 პუნქტის შესაბამისად რელევანტურია გაყიდვების, მოგების, წარმოების, საბაზრო წილის, პროდუქტიულობის, ინვესტიციის უკუგების ან საწარმოო სიმძლავრეთა დატვირთულობის ხარისხის არსებული ან შესაძლო შემცირება, დემპინგური ზღვრის რაოდენობრივი მნიშვნელობა, არსებული ან მოსალოდნელი ნეგატიური ეფექტები ფულად ნაკადებზე, მარაგებზე, დასაქმებაზე, ხელფასებზე, ზრდაზე ან კაპიტალისა და ინვესტიციის მოზიდვაზე.


განცხადების მატერიალური დასაშვებობის განხილვის ეტაპზე სააგენტოს შესაძლებლობა ჰქონდა შეეფასებინა ზემოთ ჩამოთვლილი ფაქტორებიდან რამდენიმე, რათა დაედგინა განესაზღვრა: 1. ადგილი ჰქონდა თუ არა ადგილობრივი ინდუსტრიის ზიანის არსებობას და 2. შესაძლო ზიანის დადებით კორელაციურ კავშირს შესწავლის ობიექტის სავარაუდო დემპინგურ იმპორტთან.

6.1. შესწავლის ობიექტის სავარაუდო დემპინგური იმპორტის მოცულობა

სავარაუდო დემპინგური იმპორტის მოცულობის ნაწილში სააგენტომ განიხილა, ერთის მხრივ შესწავლის ობიექტის იმპორტის დინამიკა რაოდენობრივ და ღირებულებით ჭრილში და მეორეს მხრივ იმ დასახელების პროდუქტის იმპორტი, რომელთან მიმართებითაც სააგენტოს განცხადების დასაშვებობის განხილვის ეტაპზევე მიუწვდება ხელი ნორმალური

ღირებულების ჭრილში. ცხრილში მოცემულია ინფორმაცია სომხეთის რესპუბლიკიდან საქართველოს საბაჟო ტერიტორიაზე განხორციელებული შესწავლის ობიექტის იმპორტის დინამიკაზე 2020-2023 წლებში (იხ. გრაფიკი N9):


გრაფიკი N9: შესწავლის ობიექტის საქართველოს საბაჟო ტერიტორიაზე იმპორტის დინამიკა



როგორც ცხრილიდან იკვეთება, სომხეთის რესპუბლიკიდან საქართველოს საბაჟო ტერიტორიაზე შესწავლის ობიექტის იმპორტის მოცულობა ყოველწლიურად მზარდია, როგორც რაოდენობრივ, ასევე ღირებულებით მაჩვენებლებში. აღსანიშნავია ისიც, რომ სომხეთის რესპუბლიკაში შესწავლის ობიექტის შიდა ბაზარზე მოქმედი საცალო გასაყიდი ფასი და ადგილობრივი ინფუსტრიის ფასები ერთიდაიგივე დიაპაზონშია. შესაბამისად, მწვევლთა რაოდენობის ყოველწლიური შემცირების ფონზე (საქართველოში თამბაქოს ზოგადი პოლიტიკის კონტექსტში) და იმის გათვალისწინებით, რომ საშუალო მწვეველის მიერ პროდუქტის მოხმარება რადიკალურად ვერ გაიზარდება, ლოგიკურია, რომ სომხეთის რესპუბლიკიდან საქართველოს საბაჟო ტერიტორიაზე შესწავლის ობიექტის იმპორტის მოცულობის ზრდა პირდაპირ გავლენას უნდა ახდენდეს ადგილობრივ ინდუსტრიის ზირითად მაჩვენებლებზე. აღნიშნულის გათვალისწინებით, სააგენტომ შეისწავლა


საქართველოში ადგილობრივი ინდუსტრიის წარმოების მაჩვენებლები, რომლებიც ინდექსირებული სახით წარმოდგენილია გრაფიკზე. როგორც კვლევამ უჩვენა, 2020-2022 წლებში ადგილობრივი ინდუსტრიის წარმოების ზრდადი ტრენდი შესწავლის პერიოდში კლებისკენ განიცდის ცვლილებას როგორც ღირებულებით, ისე რაოდენობრივ ჭრილში (იხ. გრაფიკი N10).

გრაფიკი N10: ადგილობრივი ინდუსტრიის მთლიანი წარმოება



დამატებით ქვემო დიაგრამაზე მწარმოდგენილია მე-10 ცხრილში მოყვანილი მაჩვენებლების ტრენდი ყოველთვიურ ჭრილში, შესწავლამდე და შესწავლის პერიოდისათვის, სადაც ნათლად ჩანს რომ 2020-2022 წლებში ზოგადად მზარდი ტრენდი შესწავლის პერიოდში კლებადი ტრენდით იცვლება. აღსანიშნავია, რომ დიაგრამაზე გამოსახული ტრენდი მიუთითებს გაყიდვების გარკვეულ ციკლურობაზე, პიკით ზაფხულის თვეებში და მინიმუმით წლის დასაწყისში, თუმცა კლების ხარისხი 2023 წლის პირველ კვარტალში აშკარად აღემატება კლებას 2021 ან 2022 წლის დასაწყისში.

გრაფიკი N11. ადგილობრივი ინდუსტრიის გაყიდვების ყოველთვიური მაჩვენებლების ტრენდი შესწავლის პერიოდამდე და შესწავლის პერიოდში



6.2. ადგილობრივი ინდუსტრიის წარმოებული მსგავსი პროდუქტის ფასი

სააგენტომ დამატებით ასევე შეისწავლა ადგილობრივი ინდუსტრიის მიერ წარმოებული მსგავსი პროდუქტის საშუალო ფასი საბითუმო დონეზე. თამბაქოს შემცველი ფილტრიანი სიგარეტის ინდექსირებული ფასი გაყიდვის საბითუმო დონეზე (დისტრიბუტორისთვის მიწოდება ან/და ექსპორტზე გატანა) წლების მიხედვით 2020 წლიდან სააგენტოში განცხადების წარმოდგენამდე შემცირებულია დაახლოებით 26%-ით (იხ. ცხრილი N11):

ცხრილი N11 : ფილტრიანი სიგარეტის ინდექსირებული ფასი გაყიდვის საბითუმო დონეზე

	2020	2021	2022	2023
საშუალო ფასი (მთლიანი გაყიდვებისთვის)	100	91	91	74

6.3. ადგილობრივი ინდუსტრიის წარმოების მომგებიანობა და წარმოების დატვირთულობა

სააგენტოს მიერ შესწავლილი მონაცემები უჩვენებს რომ მნიშვნელოვნად არის შემცირებული ადგილობრივი ინდუსტრიის მომგებიანობის მაჩვენებლებიც, 2020 წელთან მიმართებით (იხ. N12 ცხრილი)

ცხრილი N12: ადგილობრივი ინდუსტრიის წარმოების მომგებიანობის ინდექსირებული მაჩვენებლები

	2020	2021	2022	2023
დაუბერავი მოგება მსგავსი პროდუქტისთვის (ლარი)	100	136	170	10
მსგავსი პროდუქტის ჯამური მომგებიანობა პროცენტული მაჩვენებელი	100	84	82	20

აღსანიშნავია ისიც, რომ ადგილობრივი ინდუსტრიის წარმოების დატვირთულობა წლების განმავლობაში საშუალოდ დაახლოებით 30%-ია.

სააგენტო ყურადღებას ამახვილებს იმ გარემოებაზე, რომ ადგილობრივი ინდუსტრიის საცალო გაყიდვის ფასი საბითუმო ფასისაგან განსხვავებით მნიშვნელოვნად ნახლებ ცვალებადობას განიცდის. როგორც განმცხადებლის მიერ წარმოდგენილი მონაცემების ცხადყოფს, ინდუსტრია ბოლო წლების განმავლობაში პოზიციონირებდა პროდუქტის საცალო გაყიდვის ფასის 5 ლარიან ნიშნულზე, რაც იმას მიუთითებს რომ სავარაუდო დემპინგური ზიანი მეტწილად გამოხატულია საბითუმო ფასის შემცირების ხარჯზე მომგებიანობის შემცირებითა და რაოდენობრივ-წილობრივი პარამეტრების კლებით.

6.4. დემპინგური იმპორტის კავშირი ზიანთან

ყოველივე ზემოაღნიშნულიდან გამომდინარე, ადგილობრივი ინდუსტრიის ზიანი გამოხატულია როგორც რაოდენობრივ, ასევე საფასო მაჩვენებლებში. სავარაუდო დემპინგური იმპორტის ყოველწლიური ზრდის პარალელურად სააგენტოს არ გააჩნია დამატებითი მტკიცებულება, რომელიც ადგილობრივი ინდუსტრიის ზიანის გამომწვევ სხვა ფაქტორებზე მიუთითებს. შესაბამისად, განცხადების მატერიალური დასაშვებობის ეტაპზე სავარაუდო დემპინგსა და ადგილობრივი ინდუსტრიის ზიანს შორის მიზეზობრივი კავშირი დადასტურებულად უნდა იქნას მიჩნეული.

საბოლოოდ, განცხადების დასაშვებობის განხილვისას გამოვლენილ იქნა, რომ სააგენტოს ხელთ არსებული მტკიცებულებები საკმარისია იმ ვარაუდის დასასაბუთებლად, რომ შესწავლის პერიოდის განმავლობაში ადგილი აქვს შესწავლის ობიექტის სავარაუდო დემპინგურ იმპორტს სომხეთის რესპუბლიკიდან. აღნიშნული იმპორტის რაოდენობრივი მაჩვენებლები და სავარაუდო დემპინგური ზღვარი აღემატება კანონით განსაზღვრულ მინიმალურ ზღვრებს და ამავდროულად დასტურდება დემპინგით გამოწვეული ადგილობრივი ინდუსტრიის ზიანი, რომელიც გამოიხატება როგორც რაოდენობრივ, ასევე საფასო მაჩვენებლებში.

აღნიშნულიდან გამომდინარე მიზანშეწონილია დაიწყოს შესწავლა ვაჭრობაში ანტიდემპინგური ღონისძიების შემოღების შესახებ საქართველოს კანონის მე-20 მუხლის შესაბამისად.